

180-14

U G O V O R
O KOLEKTIVNOM OSIGURANJU ZAPOSLENIKA

zaključen između:

1. UGOVARAČ OSIGURANJA:

DIREKCIJA ZA ROBNE REZERVE KANTONA SARAJEVO, ul. Alipašina br. bb, koju zastupa direktorica Jelena Pekić mag.oec.

i

2. OSIGURAVAČ:

TRIGLAV OSIGURANJE d.d. ul. Dolina br.8 Sarajevo, koje zastupa Direktor prodajnog centra Sarajevo Žan Matić.

I – PREDMET UGOVORA

Član 1.

Predmet ovog Ugovora je pružanje usluga kolektivnog osiguranja zaposlenika Ugovarača osiguranja od posljedica nesretnog slučaja – nezgode, i isti se zaključuje na osnovu ponude br. 08-3876/20 od 27.03.2020. godine.

II – OSIGURANI SLUČAJ

Član 2.

Osigurani slučaj je iznenadni, nepredviđen i od volje Osiguranika nezavisni događaj, a za posljedicu može imati smrt, potpuni ili djelimični invaliditet, kao i nastanak troškova liječenja uslijed nezgode.

III – OSIGURAVAJUĆE POKRIĆE

Član 3.

Zaposlenici Ugovarača osiguranja osigurani su po slijedećim osiguranim sumama za osigurane slučajeve:

- smrt uslijed nezgode	35.000,00	KM
.....
- smrt uslijed bolesti	1.500,00	KM
.....
- trajni invaliditet	70.000,00	KM
.....
- dnevna naknada u bolnici uslijed nezgode	10,00	KM
.....
- troškovi liječenja uslijed nezgode do iznosa	50.000,00	KM
.....

IV – OBAVEZA OSIGURAVAČA

Član 4.

Osiguravač se obavezuje da će Osiguraniku, u skladu sa odredbama Uvjeta za osiguranje, isplatiti naknadu iz osiguranja i to:

- Osiguranu sumu za slučaj smrti uslijed nezgode, ukoliko je uslijed nezgode nastupila smrt osiguranika;
- Osiguranu sumu za slučaj smrti osiguranika uslijed bolesti, ukoliko je nastupila prirodna smrt osiguranika;
- Osiguranu sumu za slučaj invaliditeta, ukoliko je uslijed nezgode nastupio potpuni 100 % (posto) invaliditet osiguranika;
- Postotak osigurane sume za slučaj invaliditeta koji odgovara postotku djelimičnog invaliditeta, prema Tabeli za određivanje trajnog gubitka opće radne sposobnosti uslijed nesretnog slučaja sa oznakom TAB-inv-NE 09:09-bh ;
- Dnevnu naknadu za boravak u bolnici uslijed nesretnog slučaja – nezgode;
- Naknadu/povrat troškova liječenja, ukoliko su nastupili stvarni i nužni troškovi liječenja uslijed nesretnog slučaja-nezgode, do ugovorenog iznosa po priloženim računima.

V – PREMIJA OSIGURANJA

Član 5.

Ukupna godišnja premija osiguranja za 11 zaposlenika iznosi 924,00 KM (slovima: devetstotinadvadesetčetiri KM). Navedena premija osiguranja oslobođena je od plaćanja PDV-a. (čl. 25 Zakona o PDV-u).

Za osiguranje zaposlenika od posljedica nesretnog slučaja (nezgode) izdati će se polica osiguranja u skladu sa ovim Ugovorom. Ugovarač osiguranja se obavezuje da će dostaviti spisak osiguranih osoba. Početno brojno stanje uposlenika je jednako brojnom stanju na dan zaključenja police osiguranja.

Ugovarač osiguranja je u obavezi da pismeno obavjesti Osiguravača o personalnim promjenama ili promjenama brojnog stanja zaposlenika u toku trajanja osiguranja. Shodno navedenom, Osiguravač će obračunati i fakturisati naručiocu mjesečnu premiju osiguranja u skladu sa stvarnim brojem uposlenika za određeni mjesec po dostavljenom spisku od strane Ugovarača osiguranja.

VI – NAČIN PLAĆANJA PREMIJE OSIGURANJA

Član 6.

Premija kolektivnog osiguranja zaposlenika od posljedica nesretnog slučaja - nezgode fakturisati će se od strane Osiguravača u mjesečnim ratama u skladu sa izdatom policom osiguranja. U slučaju promjena broja zaposlenika, izdate mjesečne fakture osiguranja prilagoditi će se stvarnom broju zaposlenika prema dostavljenom spisku promjena od Ugovarača osiguranja.

Ugovarač osiguranja se obavezuje da izvrši uplatu svake ispostavljene fakture u roku od 30 (trideset) dana od dana ispostavljanja iste.

VII – TRAJANJE UGOVORA

Član 7.

Ugovor se zaključuje za period od 01.04.2020. do 01.04.2021. godine, sa mogućnošću automatskog produženja, ali ne duže od tri godine.

VIII – SASTAVNI DIO UGOVORA

Član 8.

Sastavni dio ovog Ugovora čine:

- Ponuda Osiguravača br. 08-3876/20 od 27.03.2020. godine;
- Opći uvjeti za osiguranje osoba od posljedica nesretnog slučaja - nezgode sa oznakom PG-NE 09-9-bh,
- Dopunski uvjeti za kolektivno osiguranje osoba od posljedica nesretnog slučaja i smrti usljed bolesti sa oznakom PG-npk-KOL 07-08-bh,
- Tabela za određivanje procenta trajnog gubitka opće radne sposobnosti uslijed nesretnog slučaja (sa oznakom TAB-inv-NE 09-09 bh).

IX – OSTALE ODREDBE

Član 9.

Sve eventualne izmjene i nejasnoće nastale po ispostavljenim policama osiguranja i ovom Ugovoru, ugovorne strane će rješavati sporazumno.

Za sve odnose koji nisu regulisani ovim Ugovorom, primjenjivati će se Zakon o obligacionim odnosima.

Za sve eventualne sporove nadležan je Sud u Sarajevu.

Ugovorne strane se obavezuju da će sve podatke koji se odnose na međusobno poslovanje, kao i podatke o poslovanju jedne od ugovornih strana, čuvati kao poslovnu tajnu, utvrđenu obostranim dogovorom.

Član 10.

Ugovorne strane zadržavaju pravo na raskid Ugovora u slučajevima neispunjavanja obaveza iz Ugovora, uz prethodnu obavijest upućenu drugoj strani, najkasnije 15 dana prije raskida Ugovora.

Član 11.

Ovaj Ugovor sačinjen je u 4 (četiri) istovjetna primjerka, od kojih svaka od ugovornih strana zadržava po 2 (dva) primjerka.

**DIREKCIJA ZA ROBNE REZERVE
KANTONA SARAJEVO**

Direktorica




Jelena Pečić mag.oec.

Broj:02-25-180-14/20
Sarajevo, 01.04.2020.

TRIGLAV OSIGURANJE D.D.

Direktor prodajnog centra Sarajevo



Zoran Matić, dipl.ecc.

Broj: 08-3980/20
Sarajevo, 01.04.2020.

